

明鑑紀事本末

第十二函

紀事本末卷之七十五

提督浙江學政僉事豐潤谷應泰編者

際第

男

際辰

訂

中原羣盜

崇禎元年延安饑十一月府谷民王嘉亂倡亂饑民附之白水盜王二等復合徒衆劫掠蒲城韓城間時承平久猝被兵人無固志巡撫陝西都御史胡廷宴庸而耄惡聞盜杖各縣報者曰此饑民徐自定取于

是有司不以聞盜偵知之益怒劫宜君縣獄北合嘉
胤五六千人聚延慶之黃龍山

二年正月壬戌撫治鄖陽都御史梁應澤以漢南盜
告急請兵撫標止步兵三百人陝西巡撫胡廷宴延
綏巡撫岳和聲各報洛川淳化三水略陽清水成縣
韓城宜君中部石泉宜川綏德葭耀靜寧潼關陽平
關金鎖關等處流賊恣掠給事中薛國觀上言賊之
熾也由裔應申撫秦置盜劫不問實釀其禍今與盜
之方在整飭吏治有先事隄防之法有臨事剪滅之

法有後事懲戒之法。上是之。

己巳固原逃兵掠涇

陽富平。執游擊李英。

二月陝西備兵商洛道劉應

遇率毛兵入漢中。合川兵敗賊。畧陽守備黃元極擊

賊。馬蹶被殺。猶手刃賊不置。賊走漢陰。應遇遣兵追

斬五百餘。誅渠魁數十人。餘走蜀。其匿漢陰山中者

並自殺。漢南盜平。三月丙子流盜掠真寧。寧州安

化三水。四月甲午固原賊犯耀州。督糧叅政洪承

疇合官兵鄉勇萬餘人圍賊于雲陽。幾覆之。賊乘夜

雷雨潰圍走淳化。入神道嶺。劉應遇以千人偪漢

中賊于五丁峽。寧羌知州陳元贊失防。盜遁。巡按
陝西御史吳煥言。秦寇慘掠。古所罕有。撫臣胡廷宴
狃于積弛。束手無措。則舉而委之邊兵。至延綏撫臣
岳和聲。諱言邊兵爲盜。又委之內地。總之兩撫欺飾
釀患。致奸民悍卒相煽不已。而西安延安諸邑皆被
盜矣。盜發于白水之七月。則邊賊少而土賊多。今年
報盜皆騎銳。動至七八千人。則兩撫之推諉隱諱。實
釀之也。十一月京師戒嚴。山西巡撫都御史耿如
杞以兵入衛。譚于涿。大掠良鄉。如杞逮論死。西兵皆

沿邊勁卒潰而失次竄走。剽掠山東。大盜混天王。

等掠延川、米脂、青澗等縣。起前總兵杜文煥勦之。

三年正月，陝西邊盜王子順、苗美連逃，兵掠紱德衆三四千，南圍韓城。總督楊鶴巡撫劉廣生提兵赴援，斬首三千級。賊遁，復犯清澗。官兵追逐之，賊走西川。

官兵追擊，降三百餘人，餘大奔。苗美、叔苗登霧嘯聚于安定。總兵杜文煥擊敗之。先是萬曆時，朝廷念西軍勞苦，預給三月糧，以爲常。崇禎二年，秦大旱，粟騰貴，軍餉告匱。延綏巡撫楊鶴、甘肅巡撫梅之煥分道

勤王。兩年復以稽餉而譴。其潰卒畏捕誅亡命山谷間。倡饑民爲亂。時東事益急。廷議核兵餉。各邊鎮咸釐汰。裁餉至數十萬。乘障兵咸譟而下。又以給事中劉懋請。裁定驛站。卽給郵乘。傳有額。毋濫用縣官錢。歲省費無算。謂蘇民力也。而河北游民向籍食驛糒。用是益無賴。歲不登。無所得食。所在潰兵煽之。而全陝無寧土矣。命洪承疇以都御史巡撫延綏。王嘉胤陷府谷。他賊入山西。犯襄陵。吉洲。太平。曲沃。四月賊王子順出美陷蒲縣。山西自河曲至蒲。漳。千

五百里俱鄰陝河最狹賊自神木渡河陷蒲已分三
部東犯趙城洪洞汾霍西掠石樓永和吉陽賊首自
號橫天一字王五月賊破金鎖關殺都司王旅
六月王嘉胤陷黃甫川清水二營遂據府谷洪承疇
與杜文煥圖之賊夜劫營官兵擊敗之延安知府
張輦都司艾穆蹙賊于延川賊求撫王子順張述聖
姬三兒等俱降王嘉胤等掠延安慶陽城堡多陷總
督楊鶴至撫不以聞與陝撫劉廣生遣官持牌四出
招賊賊魁黃虎小紅狼一丈青龍江水掠地虎郝小

泉等俱給牒免死。安置延綏河西。但不焚殺。其淫掠如故。民罹毒益甚。有司莫敢告。而寇患成于此矣。兵科給事中劉懋上言。秦之流賊。非流自他省。卽延慶之兵丁土賊也。邊賊倚土寇爲鄉導。土寇倚邊賊爲羽翼。六七年來。韓蒲被掠。其數不多。至近年荒旱。頻仍。愚民影附。流劫涇原富耀之間。賊勢始大。當事以不練之兵。剿之不克。又議撫之。其勦也。所斬獲皆饑民也。而真賊飽掠以去矣。其撫也。非不稱降。聚衆無食。仍出劫掠。名降而實升。降也。且今年麥苗盡枯。

斗粟金三錢。營卒乏食。三十餘月。卽慈母不能保其
子。彼官且柰兵民何哉。且邇來貪酷成風。民有三金。
不能供納賦之一金。至于捕一盜。而被十數人之家。
完一贖。而傾人百金之產。柰何民不驅爲盜乎。若營
兵曠伍。半役于司道。半折于武弁。所餘老弱。旣不堪
戰。又不練習。當責督撫清汰操練。以備實用也。山
西流賊破蒲州潞安。官兵敗沒。七月御史黃道直
言盜起于饑。請發餉銀易米。一從保德州河路。一從
洛宜陸路。賑饑民。庶收拾人心。解散黨附。不報。八

月正嘉胤勾西人入犯。佯乞降。仍奪路走黃甫川。復引西人入掠。洪承疇杜文煥從孤山進擊。大破之。賊奔潰。十月王嘉胤陷清水營。殺遊擊李顯宗。復陷府谷。大盜李老柴子。鄜雜間糾三千餘人攻合水。寧夏總兵賀虎臣擊賊于盤谷。斬六百餘級。又敗之寧州。十一月山西總兵王國樑追賊于河曲。發西洋砲。砲炸兵自亂。賊乘之大潰。遂陷河曲。十二月乙巳。盜神一元破寧塞。據之。殺參將陳三槐。圍靖邊。副使李右梓固守。賊勾西人四千騎。益圍靖邊。三日夜。

遂陷柳樹澗保安等城。

四年正月。神一元陷保安。副總兵張應昌擊敗之。神

一元死。弟一魁領其衆。癸未。山西賊犯平陽。庚

寅。王嘉胤渡河掠萊園溝。副總兵曹文詔擊却之。

己亥。命御史吳銓資金賑陝西饑荒。招撫流盜。前曰

陝西屢報饑荒。小民失業。甚者起而從賊。自罹鋒刃。

誰非赤子。顛連若斯。今特發十萬金。命御史前去酌

彼災處。次第賑給。仍曉諭愚民。卽或脇從。僅入賊黨。

若肯歸正。卽爲良民。嘉與維新。一體收恤。上名輔

臣九卿科道及各省監司于文華殿上問山西按察使杜喬林流寇之事。對曰：寇在平陽，或在河曲，近聞漸已渡河，河曲尚阻，須大創之，但兵寡餉乏耳。上曰：前言寇平，何尚阻也？對曰：由陝隔河，俟去俟來，故河曲獨被困。問河曲之陷，曰：賊未嘗攻，大抵饑民爲之內應。今不早圖，有誤國事。上問陝西叅政劉嘉遇以流寇對曰：流寇因兵餉不足，故難勦耳。且寇見官兵即散，退復嘯聚。上曰：寇亦吾赤子也，宜招撫之。又問近寇所在，對曰：一在延安，一在宜州。上凝思久之，命

退。

寧武總兵孫顯祖言聞喜稷山賊二十餘萬日
勦日益官兵不過二千奔逐不支乞發京營或調邊
騎夾勦命下所督便宜專制總督張宗衡以兵餉並
乏竟不行。二月壬子總兵賀虎臣杜文煥合軍圍
保安神一魁勾西人千餘騎突圍出復糾賊數萬劫
寧夏都指揮王英兵潰諸道將棄城南韓戊午一魁
至慶陽破東關游擊伍維藩擊斬五百餘人戊辰
賊圍慶陽總督楊鶴在邠乾不卽援宜君賊趙和尚
等南犯涇陽三原韓城澄城各賊分犯不知其數

壬申神一魁陷合水。三月丁丑張應昌等接慶陽
賊圍解。時議指一魁散其黨。癸未賊帥孫繼業茹
成名等六十餘人來降。總督楊鶴受之。設御座于固
原城樓上。賊跪拜呼萬歲。因宣聖諭。令該督各解散
或歸伍。或歸農。自此羣盜視總督如兒戲矣。甲午
陝盜劉五可。天飛。據鐵角城。混天飛獨行狼等聚蘆
保嶺。衆各萬餘。分犯平涼。固原。耀州。涇陽。三原。盜混
天猴。薄寧州。分犯環縣。賊陷武安。走平涼。許稱官
兵襲陷華亭。時大盜王老虎。圖莊浪。曹文詔王性善

西勦諸賊乘虛四犯。楊鶴給降人牒令各還鄉。簡

其豪千餘人以參將吳弘器領之。駐寧塞而宜君雒

川盜又逢蠲起矣。副總兵曹文詔擊賊于栗園大敗

之。四月己未神一魁降于楊鶴。鶴責數其罪俱伏

謝。一魁有戰騎五千。鶴修其事。上言乞賜一二萬金

賑濟。又止巡撫練國事北征宜雒。賊亦求撫于國事。

從之。其勝從饑民各給牒回籍。首領置軍中。省臣

劾宣大總督魏雲中。陝西總督楊鶴。恇怯玩寇。上切

責雲中等。平盜自贖。時言官交論鶴。鶴疏引咎。曹

文詒等克河曲。斬賊一千五百餘級。獲兵械馬騾數千。丁卯。延綏巡撫洪承疇令守備賀人龍勞降者。酒降者入謝。伏兵斬三百二十人。庚午。賊陷始興。御史吳甦西行至延長。寇聚城下。諭以禍福。委同知趙鵠年分賑。賊各解散。游賊聞之。皆回受賑。撫賊七千有奇。降盜不沽泥。擁衆協糧。賞復次米脂。總兵王承恩侯拱極率三千人至葭州。洪承疇張應昌亦至。賊分兩營以待。連戰。賊始遁。追至西川。斬三百餘級。賊溺死無算。官兵屯西川雙湖峪。其間審寨六